

ბანკის ვებგვერდზე <https://www.tbcbank.ge/web/ka/web/guest/card-payments> განთავსებული “პოს ტერმინალით მომსახურების შესახებ ხელშეკრულების ძირითადი პირობების” 1.3. პუნქტის შესაბამისად, სს “თიბისი ბანკი” გათავაზობს “პოს ტერმინალით მომსახურების შესახებ ხელშეკრულების ძირითად პირობებში” (შემდგომში „ხელშეკრულების ძირითადი პირობები“) და “პოს ტერმინალით მომსახურების შესახებ ხელშეკრულების საერთო დებულებებში” (შემდგომში “საერთო დებულებები”) შემდეგი ცვლილებების / დამატებების შეტანას:

1. შეიცვალოს ხელშეკრულების ძირითადი პირობების 1.1 პუნქტი და ჩამოყალიბდეს შემდეგი რედაქციით:

„1.1 კომპანია (მეწარმე / გადასახადის გადამხდელი ფიზიკური პირი და/ან იურიდიული პირი / ორგანიზაციული წარმონაქმნი) უზრუნველყოფს სს „თიბისი ბანკის“ (ს/ნ 204854595, შემდგომში „ბანკი“ / „თიბისი ბანკი“) პოს ტერმინალის (როგორც საგადახდო საშუალების, შემდგომში „ტერმინალი“ / „პოს ტერმინალი“) გამოყენებით, VISA, Master Card / Maestro და China Union Pay (შემდგომში ერთად და ცალკე - „საერთაშორისო საგადახდო სისტემები“) საერთაშორისო ბარათებით კომპანიის მიერ გაწეული მომსახურების საფასურის / გაყიდული საქონლის ღირებულების უნაღდო ანგარიშსწორების წესით მიღებას (გადახდების მიღებას).“

2. შეიცვალოს ხელშეკრულების ძირითადი პირობების 1.3 პუნქტი და ჩამოყალიბდეს შემდეგი რედაქციით:

„1.3 ბანკს უფლება აქვს ხელშეკრულებაში და/ან პოს ტერმინალით მომსახურებასთან დაკავშირებულ ნებისმიერ დანართში და/ან პოს ტერმინალით მომსახურებასთან დაკავშირებული ნებისმიერი განაცხადით და/ან ბანკის ვებგვერდზე <https://www.tbcbank.ge/web/ka/web/guest/pos-terminals> (შემდგომში „ბანკის ვებგვერდი“) პოს ტერმინალით მომსახურებისთვის განსაზღვრულ პირობებში/ტარიფებში/გადასახდელებში ცვლილებები/დამატებები შეიტანოს, ცვლილებების/დამატებების განხორციელებამდე 1 (ერთი) თვით ადრე ბანკის ვებგვერდზე შესაბამისი ინფორმაციის განთავსების ან კომპანიისთვის შეტყობინების გაგზავნის მეშვეობით. კომპანიას უფლება აქვს ბანკის ვებგვერდზე ცვლილებების/დამატებების შესახებ ინფორმაციის განთავსებიდან ან კომპანიისთვის შეტყობინების გაგზავნიდან 1 (ერთი) თვის გასვლამდე ნებისმიერ დროს უარი განაცხადოს ამ ხელშეკრულებით გათვალისწინებული მომსახურების მიღებაზე, ბანკისათვის წერილობითი შეტყობინების გაგზავნის გზით. ამ პუნქტით მინიჭებული უფლების განხორციელების (გამოყენების) შემთხვევაში, კომპანია ვალდებული იქნება ამ ხელშეკრულებით გათვალისწინებული მომსახურების შეწყვეტის შესახებ წერილობითი შეტყობინების ბანკისთვის გადაცემიდან არაუგვიანეს 5 (ხუთი) კალენდარული დღისა, გადაუხადოს ბანკს შესაბამის მომსახურებასთან დაკავშირებული ყველა საკომისიო და სხვა სახის გადასახდელი. ხელშეკრულების მოქმედება გაგრძელდება ამ ხელშეკრულებით კომპანიის მიერ ნაკისრი ყველა ვალდებულების სრულად შესრულებამდე. იმ შემთხვევაში, თუ კომპანია არ ისარგებლებს ხელშეკრულების მოქმედების შეწყვეტის უფლებით, ბანკის მიერ შეთავაზებული ცვლილებები (დამატებები) ჩაითვლება კომპანიის მიერ მიღებულად, პირობები/ტარიფები/გადასახდელები კი შეცვლილად. ბანკს უფლება აქვს პირობების ცვლილება/დამატება, რომელიც არ აუარესებს კომპანიის მდგომარეობას, ძალაში შეიყვანოს ვებგვერდზე მისი განთავსებისთანავე/კომპანიისთვის შეტყობინების მიწოდებისთანავე.“

3. გაუქმდეს ხელშეკრულების ძირითადი პირობების 1.3.1 ქვეპუნქტი.

4. ხელშეკრულების ძირითად პირობებს დაემატოს 1.11 პუნქტი შემდეგი რედაქციით:

„1.11 წინამდებარე ხელშეკრულება წარმოადგენს ბანკსა და კომპანიას შორის დადებული / კომპანიის მიერ დადასტურებული „საბანკო ოპერაციების წარმოების შესახებ ხელშეკრულების“ განუყოფელ ნაწილს, რაც ნიშნავს იმას, რომ ამ ხელშეკრულებაზე სრულად ვრცელდება „საბანკო ოპერაციების წარმოების შესახებ ხელშეკრულების“ მოქმედება.“

5. შეიცვალოს საერთო დებულებების პირველი მუხლის 1.1 პუნქტი და ჩამოყალიბდეს შემდეგი რედაქციით:

„1.1 საერთო დებულებებში / განაცხადში / ბანკის ვებგვერდზე მოცემულ ტერმინთა განმარტებები და წესები ეყრდნობა საერთაშორისო საგადახდო სისტემების წესებს.“

6. შეიცვალოს საერთო დებულებების პირველი მუხლის 1.1.1 ქვეპუნქტით განსაზღვრული ტერმინის „ბარათი“ განმარტება და ჩამოყალიბდეს შემდეგი რედაქციით:

„ბარათი - საერთაშორისო საგადახდო სისტემების საერთაშორისო საგადახდო ბარათები.“

7. შეიცვალოს საერთო დებულებების პირველი მუხლის 1.1.1 ქვეპუნქტით განსაზღვრული ტერმინის „ავტორიზაცია“ განმარტება და ჩამოყალიბდეს შემდეგი რედაქციით:

„ავტორიზაცია - ამ ხელშეკრულების მიზნებისთვის: გარიგების მოთხოვნაზე თანხმობის ან უარის მიღების პროცედურა, რომლის დროსაც მოწმდება ბარათის ვალიდურობა (ძალაში ყოფნის ფაქტის დადასტურება), ბარათზე გარიგების შესაბამისი თანხის არსებობა და ხდება ამ თანხის ბლოკირება.“

8. შეიცვალოს საერთო დებულებების პირველი მუხლის 1.1.1 ქვეპუნქტით განსაზღვრული ტერმინის „ჩარჯბევი“ განმარტება და ჩამოყალიბდეს შემდეგი რედაქციით:

„ჩარჯბევი - საერთაშორისო საგადახდო სისტემების წესების და საქართველოს კანონმდებლობის შესაბამისად, ბარათის ემიტენტის ან მფლობელის მიერ ტრანზაქციის გასაჩივრების და ექვაიერისგან (ტრანზაქციის შემსრულებელი ბანკისაგან) ტრანზაქციის თანხის ან მისი ნაწილის უკან დაბრუნების მოთხოვნის პროცედურა.“

9. შეიცვალოს საერთო დებულებების პირველი მუხლის 1.1.1 ქვეპუნქტით განსაზღვრული ტერმინის „ჩარჯბევის დოკუმენტი“ განმარტება და ჩამოყალიბდეს შემდეგი რედაქციით:

„ჩარჯბევის დოკუმენტი - საერთაშორისო საგადახდო სისტემების წესებით დადგენილი ჩარჯბევის პროცესისათვის დამხმარე საბუთი ან ინფორმაცია (როგორცაა სავაჭრო ქვითარი, კლიენტის მონაცემები, ტრანზაქციის დამატებითი აღწერა, კომპანიის ინვოისი/ანგარიში, ნებისმიერი დოკუმენტის ჩანაწერი, კომპანიის წერილი და ა.შ.).“

10. შეიცვალოს საერთო დებულებების პირველი მუხლის 1.1.2 ქვეპუნქტით განსაზღვრული ტერმინის „ექსკლუზიური პირობა“ განმარტება და ჩამოყალიბდეს შემდეგი რედაქციით:

„ექსკლუზიური პირობა - ხელშეკრულების ვადის განმავლობაში, კომპანიის ვალდებულება საერთაშორისო საგადახდო სისტემების ბარათებისთვის ექსკლუზიურად ისარგებლოს მხოლოდ თიბისი ბანკის პოს ტერმინალის მომსახურებით, წინააღმდეგ შემთხვევაში კომპანიას წარმოეშვება ბანკის სასარგებლოდ პირგასამტეხლოს გადახდის ვალდებულება, იმ თვის წინა კალენდარული თვის განმავლობაში პოს ტერმინალით განხორციელებული ტრანზაქციების თანხების ჯამის სამმაგი ოდენობით (მინიმუმ 5000 (ხუთი ათასი) ლარი), როდესაც განხორციელდა ამ პუნქტით გათვალისწინებული ვალდებულების დარღვევა.“

11. საერთო დებულებების პირველი მუხლის 1.1.2 ქვეპუნქტს დაემატოს ტერმინი „პრეავტორიზაცია“ და ჩამოყალიბდეს შემდეგი რედაქციით:

„პრეავტორიზაცია - გარიგების თანხის დროებითი დაბლოკვა, რასაც უნდა მოყვეს კომპანიის მიერ დაბლოკილი თანხის სრულად ან ნაწილობრივ დადასტურების (კომიტის) ან კლიენტისთვის დაბრუნების ოპერაცია. დაბლოკვიდან 30 (ოცდაათი) კალენდარული დღის განმავლობაში კომპანიის მიერ კომიტის განუხორციელებლობის ან კლიენტისათვის გარიგების თანხის დაუბრუნებლობის შემთხვევაში, ავტომატურად განხორციელდება გარიგების თანხის განბლოკვა.“

12. შეიცვალოს საერთო დებულებების მე-2 მუხლის 2.1.1.2 ქვეპუნქტი და ჩამოყალიბდეს შემდეგი რედაქციით:

„2.1.1.2 უზრუნველყოს პოს ტერმინალით საერთაშორისო საგადახდო სისტემების ბარათებით განხორციელებულ გარიგებებზე ანგარიშსწორება (საქართველოს კანონმდებლობით განსაზღვრულ ვადებში), კომპანიის მიერ წინამდებარე ხელშეკრულებით (ხელშეკრულების ძირითადი პირობებით და/ან საერთო დებულებებით) და განაცხადით / ბანკის ვებგვერდზე განსაზღვრული ვალდებულებების სრულად და ჯეროვნად შესრულებისა და ბაჩის წარდგენის შემდეგ; უზრუნველყოს ტრანზაქციის თანხის კომპანიის ანგარიშზე ხელშეკრულების პირობების შესაბამისად გადარიცხვა / ასახვა, ტრანზაქციის განხორციელებიდან არაუგვიანეს მეორე/მომდევნო საბანკო დღეს.“

13. შეიცვალოს საერთო დებულებების მე-2 მუხლის 2.1.2.3 ქვეპუნქტი და ჩამოყალიბდეს შემდეგი რედაქციით:

„2.1.2.3 დარღვევის დაფიქსირების შემთხვევაში, მოსალოდნელი ჩარჯბევის, ჯარიმის ან/და ზარალის ანაზღაურების მიზნით გააჩეროს და დაარეზერვოს (კომპანიის ანგარიშ(ებ)ზე შესაბამისი მოცულობის (ოდენობის) თანხის საერთაშორისო საგადახდო სისტემების რეგულაციის წესებით განსაზღვრული ვადით ბლოკირება) კომპანიისთვის ჩასარიცხი თანხა.“

14. შეიცვალოს საერთო დებულებების მე-2 მუხლის 2.1.2.5 ქვეპუნქტი და ჩამოყალიბდეს შემდეგი რედაქციით:

„2.1.2.5 პოს ტერმინალით განხორციელებულ ტრანზაქციებზე არ მოახდინოს ანგარიშსწორება გარიგებიდან 7 (შვიდი) კალენდარული დღის, ხოლო პრეავტორიზაციით განხორციელებული გარიგებიდან 30 (ოცდაათი) კალენდარული დღის შემდეგ მიღებული ბაჩის საფუძველზე.“

15. **შეიცვალოს საერთო დებულებების მე-2 მუხლის 2.1.2.9 ქვეპუნქტი და ჩამოყალიბდეს შემდეგი რედაქციით:**
„2.1.2.9 ჩარჯბევის მოთხოვნის შემთხვევაში, ჩარჯბევის პროცესის დამთავრებამდე, მოახდინოს შესაბამისი თანხების ჩამოჭრა (უაქცეპტო წესით ჩამოწერა) კომპანიის ანგარიშ(ებ)იდან, რაც შეესაბამება საერთაშორისო საგადახდო სისტემების რეგულაციის წესებს; იმ შემთხვევაში, თუ ჩარჯბევის პროცესის დასრულებამდე ვერ განხორციელდა კომპანიის ანგარიშ(ებ)იდან შესაბამისი თანხის ჩამოჭრა (ჩამოწერა) და ჩარჯბევის პროცესი დასრულდა წარუმატებლად, კომპანია ვალდებულია ბანკს დაუფაროს გასაჩივრებით მიღებული ზარალი.“
16. **შეიცვალოს საერთო დებულებების მე-2 მუხლის 2.1.2.11 ქვეპუნქტი და ჩამოყალიბდეს შემდეგი რედაქციით:**
„2.1.2.11 როგორც ჩარჯბევის დაფიქსირებისას, ასევე იმ შემთხვევაში, თუ ბანკის მიერ გარიგება მიჩნეულ იქნება საეჭვოდ და/ან დაკვალიფიცირდება უკანონო გარიგებად, ბანკს უფლება აქვს მოითხოვოს (და ამგვარი მოთხოვნის შემთხვევაში, კომპანია ვალდებულია ბანკს მიაწოდოს) კომპანიასთან და გარიგებასთან დაკავშირებული ყველა საჭირო ინფორმაცია / დოკუმენტაცია / კონკრეტული საბარათე ტრანზაქციის დეტალები / ჯავშნის დოკუმენტი / ტრანზაქციის დამადასტურებელი პოს ტერმინალის ქვითარი / ინვოისი და სხვ; ამასთან, ამ პუნქტით გათვალისწინებულ შემთხვევებში, ბანკის მიერ შესაძლოა მოთხოვნილი იქნას კლიენტის პერსონალური ინფორმაცია: სახელი, გვარი, პირადი ნომერი, პირადობის დამადასტურებელი დოკუმენტ(ებ)ის ასლი, კლიენტის საკონტაქტო ინფორმაცია. ბანკი ხსენებული ინფორმაციის გაზიარებას მოახდენს მხოლოდ საერთაშორისო საგადახდო სისტემების დაცული არხების საშუალებით.“
17. **შეიცვალოს საერთო დებულებების მე-2 მუხლის 2.1.2.12 ქვეპუნქტი და ჩამოყალიბდეს შემდეგი რედაქციით:**
„2.1.2.12 იმ შემთხვევაში თუ ერთი კალენდარული თვის განმავლობაში ჩარჯბევის თანხა მიაღწევს გარიგებების საერთო თანხის 1%-ს ან მკვეთრად გაიზრდება ტრანზაქციების რაოდენობა ან/და თანხა, მიზეზის დადგენამდე (შემოწმების საფუძველზე), დროებით შეაჩეროს კომპანიასთან ანგარიშსწორება და ბარათების მომსახურება.“
18. **შეიცვალოს საერთო დებულებების მე-2 მუხლის 2.1.2.15 ქვეპუნქტი და ჩამოყალიბდეს შემდეგი რედაქციით:**
„2.1.2.15 დაუყონებლივ შეაჩეროს კომპანიის მომსახურება და/ან კომპანიასთან ანგარიშსწორება, რაიმე მნიშვნელოვანი გარემოებების გამო, რომელმაც შესაძლოა ზიანი მიაყენოს საერთაშორისო საგადახდო სისტემების ანგარიშსწორების სისტემების რეპუტაციას.“
19. **შეიცვალოს საერთო დებულებების მე-2 მუხლის 2.1.2.18 ქვეპუნქტი და ჩამოყალიბდეს შემდეგი რედაქციით:**
„2.1.2.18 შეატყობინოს კომპანიას თაღლითური ტრანზაქციის თაობაზე ბარათის ემიტენტის მიერ განცხადების და/ან ჩარჯბევის შესახებ ინფორმაციის მიღებიდან არაუგვიანეს მეორე სამუშაო დღეს.“
20. **საერთო დებულებების მე-2 მუხლს დაემატოს 2.1.2.21 ქვეპუნქტი და ჩამოყალიბდეს შემდეგი რედაქციით:**
„2.1.2.21 კომპანიის მიერ კომიტის გარიგების თანხის დაბლოკვიდან 30 (ოცდაათი) კალენდარული დღის შემდგომ განხორციელების შემთხვევაში, კომპანიის ანგარიშ(ებ)იდან უაქცეპტო წესით ჩამოწეროს კომპანიის მიერ დაგვიანებით დადასტურებული გარიგების თანხა.“
21. **შეიცვალოს საერთო დებულებების მე-2 მუხლის 2.2.1.1 ქვეპუნქტის პირველი აბზაცი და ჩამოყალიბდეს შემდეგი რედაქციით:**
„დაიცვას ტერმინალით საერთაშორისო საგადახდო სისტემების ბარათებით მომსახურების წესები.“
22. **შეიცვალოს საერთო დებულებების მე-2 მუხლის 2.2.1.2 ქვეპუნქტი და ჩამოყალიბდეს შემდეგი რედაქციით:**
„2.2.1.2 საერთაშორისო საგადახდო სისტემების ბარათების მომსახურება განხორციელოს წინამდებარე ხელშეკრულების მოცემული წესების მკაცრი დაცვით.“
23. **შეიცვალოს საერთო დებულებების მე-2 მუხლის 2.2.1.16 ქვეპუნქტი და ჩამოყალიბდეს შემდეგი რედაქციით:**
„2.2.1.16 აცნობოს ბანკს მის მიერ მესამე პირის (მათ შორის მისი შვილობილი საწარმოს ან მასთან აფილირებული პირის) გამოყენების თაობაზე, რომელსაც წვდომა ექნება ბარათის მონაცემებთან. ხსენებული პირ(ებ)ი აუცილებელი წესით უნდა აკმაყოფილებდნენ საერთაშორისოსაგადახდო სისტემების უსაფრთხოების მოთხოვნებს, რის დაუცველობის / დარღვევის შემთხვევაში სრულ პასუხისმგებლობას კისრულობს კომპანია.“
24. **შეიცვალოს საერთო დებულებების მე-2 მუხლის 2.2.1.17 ქვეპუნქტი და ჩამოყალიბდეს შემდეგი რედაქციით:**
„2.2.1.17 შეასრულოს ქვემოთ მოცემული მოთხოვნები სრულად, მხოლოდ იმ შემთხვევაში, თუ კომპანიის მიერ გამოიყენება მესამე პირის საბარათე მონაცემების დამუშავების სერვისი:
- უზრუნველყოს სისტემაში ჩართული მესამე პირის საერთაშორისო საგადახდო სისტემების უსაფრთხოების მოთხოვნებთან შესაბამისობა;

- ადასტურებს, რომ სრულად იცნობს საერთაშორისო საგადახდო სისტემების „PCI-DSS“ უსაფრთხოების პროგრამას ბარათების მონაცემების დაცვასთან დაკავშირებით და ვალდებულებას იღებს შეასრულოს მათთან დაკავშირებული მოთხოვნები.“

25. შიგვალის საერთო დებულებების მე-2 მუხლის 2.2.1.18 ქვეპუნქტი და ჩამოყალიბდეს შემდეგი რედაქციით:
„2.2.1.18 ჩარჯბევის შემთხვევაში, ჩარჯბევის პროცესის დამთავრებამდე, მოახდინოს საერთაშორისო საგადახდო სისტემების მიერ უკან გათხოვილი თანხის სრული ანაზღაურება.“

26. საერთო დებულებების მე-2 მუხლის დამატოს 2.3 პუნქტი (2.3.1 – 2.3.1.5 ქვეპუნქტებით) და ჩამოყალიბდეს შემდეგი რედაქციით:

„2.3. კომპანია აცხადებს და ადასტურებს, რომ:

2.3.1. კომპანია, მისი დამფუძნებლები, მენეჯმენტი ან აღმასრულებელი/სამეთვალყურეო ორგანოს წევრები, ასევე კომპანიის ბენეფიციარი მესაკუთრე(ებ)ი ან/და მათთან აფილირებული პირ(ებ)ი (რაც ამ პუნქტის მიზნებიდან გამომდინარე მათ შორის წარმოადგენს ნებისმიერ პირს რომელსაც ბანკის შეფასებით, მათ შორის სანქციის მიზნიდან გამომდინარე, საქმიანი, ნათესაური თუ სხვა ტიპის მჭიდრო კავშირიდან გამომდინარე შესაძლოა გავლენა ჰქონდეს პირზე ან მის გადაწყვეტილებებზე, პირდაპირ ან არაპირდაპირ ფლობდეს ან/და აკონტროლებდეს მას) ამ ხელშეკრულების ხელმოწერამდე ან/და მისი მოქმედების განმავლობაში ნებისმიერი დროს:

2.3.1.1. არ არიან/იქნებიან გაერთიანებული ერების ორგანიზაციის (გაერო) ან/და ევროკავშირის ან/და გაერთიანებული სამეფოს ან/და ამერიკის შეერთებული შტატების ან/და საქართველოს ან/და რომელიმე სხვა სახელმწიფოს ან/და საერთაშორისო ორგანიზაციის (შემდგომში ერთად ან ცალ-ცალკე „უფლებამოსილი პირ(ებ)ი“) მიერ სანქცირებულ პირთა სიაში (შემდგომში „სანქცირებულ პირთა სია“), ან/და მათ მიმართ არ მოქმედებს/იმოქმედებს სანქცია (ამ პუნქტის მიზნებისთვის სანქცია მათ შორის მოიცავს უფლებამოსილი პირების მიერ განსაზღვრულ შეზღუდვას, პოლიტიკას, აკრძალვას, ან სხვა სახის მითითებას);

2.3.1.2. არ არიან/იქნებიან იმ სახელმწიფოს რეზიდენტები, რომელზეც უფლებამოსილი პირ(ებ)ის მიერ ვრცელდება სრული სავაჭრო სანქციები/შეზღუდვები;

2.3.1.3. პირდაპირ ან/და ირიბად, მათ შორის სხვა პირ(ებ)ის მეშვეობით არ დაუდიათ/დადებენ ნებისმიერ გარიგებას (მათ შორის ხელს არ შეუწყობენ გარიგების დადებას) ნებისმიერ პირთან ან/და გაერთიანებასთან, რომელიც შეყვანილია/შეყვანილ იქნება სანქცირებულ პირთა სიაში/მასზე გავრცელებული იქნება სანქცია ან/და რომელიც არის იმ სახელმწიფოს რეზიდენტი ან/და საქმიანობს ტერიტორიაზე, რომელზეც ვრცელდება სრული სავაჭრო სანქციები/შეზღუდვები;

2.3.1.4. პირდაპირ ან/და ირიბად, მათ შორის სხვა პირ(ებ)ის მეშვეობით არ დაუდია/დადებს ნებისმიერ გარიგებას (მათ შორის ხელს არ შეუწყობს გარიგების დადებას) ისეთ მხარესთან/ქონებასთან/აქტივთან/პროდუქციასთან/მომსახურებასთან დაკავშირებით, რომელზეც ვრცელდება სრული ან/და მიზნობრივი ან/და სექტორული სანქციები/შეზღუდვები.

2.3.1.5 იმ შემთხვევაში თუ 2.3 პუნქტის შესაბამისად კომპანიის მიერ გაკეთებული განცხადება აღმოჩნდება არასწორი და კომპანიის მიერ განხორციელებული ქმედება წარმოადგენს სანქციის დარღვევას/გვერდის ავლას ან/და აღნიშნულის გამო ბანკის შეფასებით იარსებებს კომპანიაზე ან/და მათთან აფილირებულ პირ(ებ)ზე სანქციის გავრცელების რისკი ან/და რომელიმე ზემოხსენებულ პირზე გავრცელებული იქნება სანქცია, ბანკს გარდა ამ ხელშეკრულებით განსაზღვრული სხვა ქმედებებისა, ასევე უფლება ექნება იმოქმედოს წინამდებარე ხელშეკრულების 2.3.1.1. ქვეპუნქტით გათვალისწინებული უფლებამოსილი პირ(ებ)ის მიერ დაწესებული სანქციის შესაბამისად და განხორციელოს უფლებამოსილი პირ(ებ)ის ან/და ორგანოს მიერ დაწესებული ან/და მოთხოვნილი ნებისმიერი და ყველა ქმედება, მათ შორის არ მისცეს კომპანიას ნებისმიერი თანხის/აქტივ(ებ)ის განკარგვის ან/და მართვის შესაძლებლობა.“

27. შიგვალის საერთო დებულებების მე-6 მუხლის 6.1 პუნქტი და ჩამოყალიბდეს შემდეგი რედაქციით:

„6.1 თუ სხვა რამ არ გამომდინარეობს საქართველოს მოქმედი კანონმდებლობიდან, ყოველი მხარე იღებს ვალდებულებას მეორე მხარის წერილობითი ნებართვის გარეშე არ გაუმხილოს მესამე პირ(ებ)ს რაიმე ინფორმაცია, რომელიც პირდაპირ ან არაპირდაპირ ეხება ხელშეკრულებას და წარმოადგენს კონფიდენციალურ ინფორმაციას. აღნიშნული ვალდებულება ვრცელდება სახელშეკრულებო ურთიერთობის შეწყვეტის შემდეგაც.“

28. შიგვალის საერთო დებულებების მე-7 მუხლის 7.2 პუნქტი და ჩამოყალიბდეს შემდეგი რედაქციით:

„7.2 კომპანიას უფლება აქვს ნებისმიერ დროს შეწყვიტოს ამ ხელშეკრულებით გათვალისწინებული რომელიმე ან ყველა სახის მომსახურებით სარგებლობა და მომსახურებით სარგებლობის შეწყვეტამდე 1 (ერთი) თვით ადრე ბანკს მიმართოს წერილობითი განაცხადით (ბანკის ფილიალში ან სერვისცენტრში წარდგენით), ან ინტერნეტ-ბანკით დააფიქსიროს მოთხოვნა (ბანკს მიაწოდოს შეტყობინება), ან მიაწოდოს ბანკს შეტყობინება ელექტრონული

ფოსტის მეშვეობით (შეტყობინება გაგზავნოს ელექტრონული ფოსტის შემდეგ მისამართ(ებ)ზე: smepayments@tbcbank.com.ge, corppayments@tbcbank.com.ge) ან დაუკავშირდეს ბანკის სატელეფონო სერვისცენტრს (+99532 2272727). ამ შემთხვევაში კომპანია ვალდებული იქნება მომსახურებით სარგებლობის შეწყვეტის შესახებ სურვილის დაფიქსირებიდან (შეტყობინებიდან) არაუგვიანეს 5 (ხუთი) კალენდარული დღისა გადაუხადოს ბანკს შესაბამის მომსახურებასთან დაკავშირებული ყველა საკომისიო და სხვა სახის გადასახდელები.“

29. შეიცვალოს საერთო დებულებების მე-7 მუხლის 7.3 პუნქტი და ჩამოყალიბდეს შემდეგი რედაქციით:

„7.3 ბანკს უფლება აქვს ნებისმიერ დროს შეწყვიტოს ხელშეკრულების მოქმედება, კომპანიისთვის შეწყვეტის შესახებ 1 (ერთი) თვით ადრე შეტყობინების საფუძველზე.“